

Awe noch na Cas di Cultura: Orkesta di Camara di Nuevo Mundo Festival & Academy ta clausura e Festival di 2015

Despues di 7 presentacion magnifico cu entrada gratis den sala chikito di Cas di Cultura, awe noch 8 PM Nuevo Mundo Festival & Academy lo clausura su festival 2015 cu un Concierto di Gala cu actuacion di nan Orkesta di Camara consistiendo di maestro y alumnonan.

E orkesta ta conta cu mas di 30 miembro. E ultimo biaha cu un orkesta mas grandi aparece den Cas di Cultura tabata 56 aña pasa, na 1959 cu e mundialmente famoso National Symphony Orchestra di Washington, DC a bishita nos isla.

Adhunto, un potret di e orkesta di camara di e festival di 2011 saca na e Teatro di Banco Central di Venezuela na Maracaibo. E violinista cu bachi largo ta Simon Gollo, fundado y Director di Nuevo Mundo Festival & Academy.

Pa e concierto di clausura, NMFA a prepara un programa di 4 parti y cada parti lo ta bou direccion di un diferente alumno di Direccion di Orkesta. E nomber di e studiantenan lo keda un sorpresa te na ultimo momento.

Aki ta sigui e programa y e solistanan di cada parti.

1. Johann Baptist Georg



Neruda – Concerto den E-flat Major pa trompet y cuerde.

>Jean-Christophe Dobrzelewski, (Polonia/Costa Rica) Trompet

2. Edino Krieger – “Brasili-ana”

>Richard Young, (USA) Viola.

3. Julio Racine – Concertino pa Bb Clarinet y Orkesta di Cuerde.

>Jorge Montilla, (Venezuela) Clarinet.

4. Saint Saens – Introduccion y Rondo Capriccioso den A menor, Op. 28 (1863).

>Dmitri Berlinsky, (Rusia) (Violin).

Tur cuater solista ta musico di fama mundial.

Entrada pa e Concierto di Gala ta costa solamente 35 pa adulto y 25 florin pa estudiante. Ta di spera cu comunidad Arubiano lo disfruta di e oportunidad unico aki. □